



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

XXIII. De his qui velatas Deo consecratas in coniugium duxerint.

urn:nbn:de:hbz:466:1-15967

ANNO CHRISTI
895. *dam & videbo, vtrum clamorem, qui venit ad me, opere compleuerint, an non est ita, ut sciam.* Quo exemplo moniti, ne ad proferendam sententiam vñquam præcipites simus, aut temere indiligerenterque indis- cussa quæque quo modo iudicemus: sed exemplo Domini descendamus, videamus, & iusto exami- ne criminosos diligenter perscrutemur, sicut ipse Sodomam: vt videamus, vtrum clamorem populi compleuerint, necne. Nam mala audita nullum moueant, sed ante audita diligenter inquirat.

X X I I .

Si quis sacro velamine consecratam in coniugium duxerit, & post dicatum Deo propositum incesta foedera sacrilegaque miscuerit, vt in constitutis Ge- lasii papæ capite vigesimo legitur: Protinus æquum est a sacra communione detrudi, & nisi per publi- cam probatamque pœnitentiam omnino non re- cipi; si tamen pœnituerint, transuntibus de sœcu- lo viaticum non negetur. In Calchedonensi Con- cilio, capite decimosexto: Hoc perpetrates excom- municentur: confitentibus, auctoritate episcopi, misericordia largiatur. In epistola papæ Siricii ca- pite sexto: Velatae Deo consecratæ, si abiecto pro- posito sanctitatis, clanculum sacrilega se contagione miscuerint, vel de illicitis complexibus publice & li- berte filios procreauerint, has impudicas detestabi- lesque personas a monasteriorum cœtu & ecclesia- rum conuentibus eliminandas esse, iudicatum est, quatenus retrusæ ergastulis, tantum facinus conti- nua lamentatione defleant. Vnde verbo Domini, & canonica auctoritate in hac sancta Synodo præ-

Concil. Tom. 24.

Nnnn ij

cipimus, vt omnino separentur, & iuramento colligentur, vltierius sub vno non cohabitare tecto, nec familiari frui colloquio, excepto in ecclesia & in publico, aut pariter vllam habere communio nem, vnde suspicio illecebrosi desiderii, aut scandalum libidinosi facti, iuste possit oriri. Si quæ etiam inter se diuidenda sint, diuidant, & vterque sua prouideat.

XXIV.

Quæcumque virgo sub patrocinio ante annos 12. non coacta, sed propria voluntate, sacrum velamen sibi imposuerit, annumque & diem, nullo repetente, velata permanserit, ab eodem sancto habitu vltierius non recedat, sed sponsa vero regi Christo, immaculato agno, vltierius incorrupta & immaculata deseruiat. Si vero idem patronus post annum & diem, sanctum propositum corrumpere, & velatam studuerit repetere, atque Christo suam sponsam rapere: secundum præstituta Canonum præiudicamus, vt vires non obtineat, sed Christo regi suam sponsam relinquat. Si quis de virginibus velatis curiosius & diligentius inuestigare perstiterit, insistat capite decimo sexto Carthaginensis sancti Concilii, & nonagesimotertio Africani. In Carthaginensi, capite decimo sexto continetur: Ut ante vigesimum quintum annum virgines non consecrentur: in Africano, nonagesimo tertio: Ut quicunque episcoporum, aliqua vrgente necessitate vel periculo mortis angustante, aut exigentibus parentibus, aut his, ad quorum curam pertinet, velauerit, seu velauit, ante vigesimum quintum annum ætatis